

續修四庫全書

《續修四庫全書》編纂委員會編

續修四庫全書

上海古籍出版社

一五七二・集部・別集類

愚齋存藁一百卷首一卷末一卷（卷二十九至卷六十四）

盛宣懷撰

愚齋存彙卷第二十九目錄

電報六

寄北京總署直督王夔帥江督劉峴帥

寄總署

總署來電

江督劉峴帥來電

京譯署柏憲章來電

寄劉峴帥

夔帥來電

寄夔帥

愚齋存彙

卷二十九目錄

一
思補樓藏版

又

京柏憲章來電

寄李傅相王夔帥

寄王夔帥張香帥

寄夔帥

劉峴帥來電

寄峴帥

寄香帥

寄京馮志先

寄李傅相王夔帥劉峴帥張香帥

寄直督王夔帥

夔帥來電

寄夔帥

張香帥來電

王夔帥來電

寄劉峴帥

寄李中堂王夔帥

北京比使來電

寄北京比使

劉峴帥來電

愚齋存彙

卷二十九目錄

二
思補樓藏版

寄李傅相

湘撫陳右帥來電

寄劉峴帥

北京柯令鴻年來電

香帥來電

寄北京柯令鴻年

寄李傅相王夔帥

寄總署直督

夔帥來電

寄李傅相翁協揆王夔帥

夔帥來電

寄京柯貞賢大令

寄翁協揆

寄張樵野司農蔭桓

寄李傅相王夔帥

寄翁協揆

寄夔帥

寄峴帥

總署來電

北京比使來電

愚齋存彙

卷二十九目錄

三

思補樓藏版

寄總署

寄駐京比使

張樵野司農來電

夔帥來電

寄總署

寄北京柯繙譯鴻年

香帥來電

寄香帥

東撫張漢帥汝梅來電

寄李傅相

寄濟南張漢帥

寄峴帥夔帥

寄總署

寄張樵野尙書

寄翁協揆

寄夔帥

李傅相來電

夔帥來電

劉峴帥來電

寄總署夔帥峴帥

愚齋存彙

卷二十九目錄

四

思補樓藏版

寄峴帥

峴帥來電

夔帥來電

寄總署夔帥峴帥

京譯署柏憲章來電

峴帥來電

李傅相來電

寄峴帥

峴帥來電

鄂督張香帥致總署及北洋大臣電

夔帥寄香帥電

香帥來電

譯署柏憲章來電

寄峴帥

寄濟南張漢仙中丞

寄李傅相

濟南張漢帥來電

香帥來電

峴帥致香帥電

夔帥致香帥電

愚齋存彙

卷二十九目錄

五

思補樓藏版

寄直督王夔帥津關道李少東觀察岷琛

粵督幕府楊彝卿來電

寄夔帥

駐京比使來電

寄駐京比使

王夔帥來電

寄長沙陳右銘中丞寶箴

寄夔帥

香帥來電

寄王夔帥劉峴帥張香帥陳右帥

香帥來電

愚齋存彙

卷二十九目錄

六

思補樓藏版

愚齋存藁卷第二十九

電報六

寄北京總署直督王夔帥江督劉峴帥

光緒二十三年十月二十一日

濟南電初七兗州殺死德教士兩名又轉章鎮高元電

二十日德國提督領兵上岸分布各山頭送來照會內

開膠州灣一地限三點鐘將駐防兵勇退出女姑口勞

山以外只允帶火槍一枝其餘軍火礮位概不准帶以

四十八點鐘退清過此即當敵軍辦理現在砍斷電線

云又接膠局電稱德兵船洋報甚多派兵多名到報房

守候發報不肯出費意在威脅照公法不宣戰除斷線

愚齋存藁

卷二十九

電報六

思補樓藏版

外不能不收轉云

寄總署

十月二十一日

膠局稟德兵現將章鎮營盤圍住不令出入偪令青島

報房代發密碼洋報並不准收華報此時大局攸關洋

人密電膠局不敢擅轉立候憲示膠州相距咫尺異常

緊急云照章洋電難阻或代轉或斷線乞酌示

總署來電

十月二十二日

華洋並發不必斷線希飭局員妥辦毋滋他舛

江督劉峴帥來電

十月二十二日

德國藉案發難實則意有所在以後情形如有所

聞仍乞隨時電示爲感

京譯署柏憲章來電

十月二十二日

頃聞德兵船三艘已霸佔膠州限四十點鐘將曹

州教案辦結否則失和傳相趕赴俄巴使處求調

處俄已電德船請速撤兵安商

寄劉峴帥

十月二十三日

德毀青島電線逐出防營東撫竟欲與戰 旨嚴飭不

准又聞已獲犯四名又聞欲派專使赴德商辦教案

夔帥來電

十月二十四日

膠澳事借端發難無理已甚現由署電許使向外

愚齋存藁

卷二十九

電報六

思補樓藏版

部切實理論海使二十三抵津奉電 旨飭邀與

商以疾辭不肯見面今早已由火車赴京章鎮來

電德兵在澳尙無別項騷動情事鉅野殺斃教士

盜犯已獲四名 旨飭張趕赴新任五日審明從

嚴懲辦李力請決戰奉 旨嚴斥並諭章鎮等不

得妄動近日情形如此就近送香帥一閱此款有

心翻悔如何是好

寄夔帥

十月二十五日

敬電已交香帥閱德久有心佔地且挾遼事未酬勞益

悻悻我無兵無餉豈可開衅聞託俄講解辦案亦最要

緊國債事匯豐把持迄不定此款所議小票書法允否
尙無復信比甚富但買票者票上要國家出名當軸執
不允恐散局然各國釐金抵借尙爲難亦未必肯公司
出名借此鉅款一俟比復擬切實函稟首座說明此理
成否一聽天意

又十月二十六日

聞俄使在署言接國家復電允力爲排解不使佔踞口
岸已電調海參崴長崎俄船來華云然膠澳終恐不爲
我有不如改作通商口岸方爲穩著

京柏憲章來電 十月二十六日

愚齋存稟

卷二十九 電報六

三 恩補樓藏版

聞德使函告各國謂新得膠州口岸應開作通商
碼頭請各國來定租界又章高元電二十五午德
人整隊來營逼令盡數退去章據理以爭德不聽
已勒令章鎮上船見其提督矣

寄李傅相王夔帥 十月二十六日

與比領事議准照四月二十四日 上諭大清國修造
盧漢鐵路借銀之票據由中國鐵路總局發給此票據
與小票統係遵照大清國批准由直隸總督王湖廣總
督張鐵路督辦盛蓋印字樣頃比使電復允照此書法
如比使來詢卽乞照准比公司來電已代僱國家工程

師俞伯德預備來華充總工程司云祈告瓶相

寄王夔帥張香帥 十月二十七日

京密電容閱在總署呈請辦鎮江至京鐵路有款千萬
請驗先以百萬報効路成再報効百萬邸意頗動交各
堂議如准於盧漢事有礙否云此係洋股路近款便必
先盧漢告成東南貨客分去洋債難還比可藉口悔約
如議准南北有路可通保漢似可緩造但不知初議何
以舍京鎮而言盧漢聞因沿海兵險究竟改道是否相
宜乞酌示

寄夔帥 十月二十七日

愚齋存稟

卷二十九 電報六

四 恩補樓藏版

香帥電清江路萬不可修清江工興則盧漢廢矣況報
効鉅款全是洋股可知無論何路皆不可准此尤大害
也必須力阻望先密電常熟切阻之前年鄙人阻清江
路電及總署復電卽飭檢錄送呈云此事不發兩帥議
可見意頗搖動惟琴川係密告似非作爲傳聞公電力
阻難以出示會議諸公乞酌示再擬電文

劉峴帥來電 十月二十八日

膠事理爲勢絀非圖自強後患靡已奈何以後如
有要信仍祈電示

寄峴帥 十月二十八日

勘電甚佩自強不難須內外有同志十人堅固不搖通力合作則上必聽下必從聞德使函告各國謂新得膠州口岸應開作通商碼頭請各國來定租界又章高元電二十五德軍整隊來營逼令盡數退去是以香港視膠州矣然港在外膠在內地勢不同仗俄法之力即能退還亦必有教案條款以膠澳屬北洋通商或是保膠之法

寄香帥 十月二十八日

又接京電云南海助容如於盧漢有礙須速設法容呈如批准即無及云

愚齋存彙 卷二十九 電報六

五 思補樓藏版

寄京馮志先 十月二十八日

路改東道即無西轍兩帥會商公電力阻容皆洋股照容辦法何難各路齊舉何難千萬報効時勢日難各懷私見如准容呈擬請漢端停工盧保歸京兆鐵廠還香帥銷差辭職事無可爲矣

寄李傅相王夔帥劉峴帥張香帥 十月二十九日

膠局勘電二十六德兵數百由海口上岸進膠城當經密稟在案二十七仍回青島德提督竟張貼告示膠州灣一帶海口凡關稅等皆歸伊經收等語現在章軍門已被德人拘留在青隊伍退紮趙村膠城無兵云

寄直督王夔帥 十月二十九日香帥會電

聞容閣在總署呈請報効百萬造鎮江至京鐵路先有粵人來鄂議清江至京路已駁止蓋清江興工則盧漢必廢事關大局擬公電力阻其文曰前有粵人到鄂條陳有洋商願合股辦鎮江清江至京鐵路允報効鉅款往復會商查盧漢一路爲各省中權南可通極邊之粵北可避近海之津是以奉 旨定議舉辦中外周知僉謂得要若清江別開一路則東南客貨均爲所奪盧漢將來斷不能集華股還洋債盧漢一路必致停廢無成查光緒二十一年六月初十之洞遵 旨電奏清江造

愚齋存彙 卷二十九 電報六

六 思補樓藏版

路十弊有云一國之內幹路不能多設創始偏東則近西幹路不能再舉將來引而加長如南達湘粵西達川陝均遠等語當奉電 旨飭籌盧漢如何辦法是東路不及西路有益已甚明晰中國物力異常艱窘倘屬華商資本豈能兩路並舉徒自爭競似應令該華商併力先辦盧漢如有真正華款總公司必當付以事權決不掣肘至於報効鉅款其爲洋股可知無論何路皆不可准餌我小利必受大害除駁止外但恐洋人既聳華人出頭必不肯遠止如有人赴京條陳可否請發交韶洞等詳酌議復再請鈞處核定免礙盧漢以維大局文韶

之洞宣懷謹肅云如尊意相同即請酌改速發

夔帥來電 十月二十九日

頃接傅相暨午電云勘轉盛電與比領事議辦甚妥比使適來詢告以照准費謂即電本國銀行遵照俟得回電當照會總署備案亦允之海使於教案所索六條有承辦鐵路一款因告費如不速定恐德人又想攘奪伊頗領會希轉杏孫等因望察照

寄夔帥 十月二十九日

鑒電即送香帥閱昨德使已派香帥所用之德工師錫愚齋存彙

卷二十九 電報六

七 愚齋樓藏版

樂巴送來承辦蘇杭鎮甯路條款較比國權重息重如照允恐比翻悔未知六條內其餘五條何事乞密示

張香帥來電 十一月初一日

此款議妥欣慰德果以鐵路入條款咄咄逼人粵漢路亦須速定遲必為強者所奪前面談已詳祈速籌即示復膠事屢電均悉

王夔帥來電 十一月初一日

鐵路一條專指山東不與他處希留意其五惟援劉仲帥四川故事及以後保不再出此等案兩條萬難照行餘如教堂抬匾及賠失物賠此次兵費

尚無大為難處並告香帥

寄劉峴帥 十一月初一日

德索六條一須革東撫永不敘用二淮安教士在濟甯設教賜予匾額三嚴辦教匪并償卹銀四自後中國不許有此等事五東省如開鐵路鑛務應儘德人承辦六此案辦結所費中國賠償云譯署已電許使切實辯論章鎮被留未回擬託俄提督轉請釋放并懇俄出為調處云

寄李中堂王夔帥 十一月初三日

比領事譯呈比國總公司來電借票式樣其文曰大清愚齋存彙

卷二十九 電報六

八 愚齋樓藏版

國盧漢鐵路借票西歷一千八百九十七年諭准借貸本金四百五十萬鎊憑票發佛耶克若干每年利息佛耶克若干每年正月三號七月三號付利兩次本金三十年還完此本金股票每年隨拈出某號即還某號本金若干第一次拈出之期係一千九百八年正月三號此票據按照以前上諭總理衙門照會比國駐京大臣係為中國鐵路總局借款一宗第一條此借款專為盧漢鐵路經費第二條此借款按照總理衙門照會比國駐京大臣所奉 上諭准以造成盧漢之鐵路及鐵路所生利息全行抵押此款直隸湖廣總督督辦鐵路

大臣應畫押蓋印兼清查還此借款本利事宜此借款票據中國始終不得抽收稅項此款利息本金定准於比國某地方付給等語該領事請轉總署照允比使即可電復比公司趕緊印票出售答以照此書法可請允准該領事云此借票比國王已准免抽稅但恐中國將來與抽稅之例必須總署應允此款借票始終不收稅項竊思將來即使創開新例而此票已借在前自可免稅比使前來商詢乞速允准催令趕緊俾免延宕

北京比使來電 十一月初四日

查本國銀行現派准總監工之人並寄到股票式

愚齋存彙

卷二十九 電報六

九 思補樓藏版

樣本大臣甚悅辦妥合同諒貴大臣與我有同心焉前者漢領事面告貴大臣兩條真正辦法務恃貴大臣鼎力將兩條作速辦妥本大臣深願此事辦成茲特與貴大臣道賀也

寄北京比使 十一月初五日

股票式樣均妥初四已將領事所譯華文電寄李中堂免稅事諒可照准前領事面商辦法兩條十月十七已電復貴大臣無可再改深望貴大臣趕緊辦妥以符合同第二款

劉峴帥來電 十一月初八日

前夔帥電海使索六款署令退兵再議海允電外部候復昨滬道有英京電謂俄允德踞膠德不干俄權爲韓事云核與尊處俄允排解之電未符恐英電係揣測語如有確聞仍乞見示

寄李傅相 十一月初八日

滬有英電謂俄允德踞膠德不干俄權爲韓事云如確大局何堪設想德在青島多發三等電硬令膠局代轉不出費而海線只向我索賠已託鐵路工程司錫樂巴電海鏡於例不符當停止轉報

湘撫陳右帥來電 十一月初八日

愚齋存彙

卷二十九 電報六

十 思補樓藏版

頃據湘紳前山東布政使湯聘珍等呈請創立湘粵鐵路公司集股開辦公舉現署臬司長寶道黃道遵憲爲總辦以專事權而通湘粵之氣並請轉咨電奏先行立案等因宜如何會同譚敬帥盛京堂並挈銜電奏及電告南北洋俾得周知之處伏候鈞裁該紳等原呈咨由驛遞

寄劉峴帥 十一月初九日

聞六條難盡允而退兵暫難商辦或須德國親王到後再說內意決不開衅失和巴蘭德密告許使已代商外部請速照允六款否則恐釀大禍又託克虜伯排解可

見俄不助我矣

北京柯令鴻年來電 十一月初十日

近日鴻漸知實情乃銀行苛求定要借款改爲國債經比使用法挽回今事在將成功虧一簣比使實費苦心德事緊中國受虧不淺此更有礙借款似宜速定至所請票式卽比使和事之方據云非遷就其文萬難安頓銀行然仍在改輕字面爲應分之事

香帥來電 十一月初十日

愚齋存稟 卷二十九 電報六 十一
思補樓藏版

昨津電德事甚急查六條以鐵路爲最要不許則難了輕許則貽害此開現議甯滬一路流弊尙少若以此易彼或可解圍惟交還二字恐有別情請速召錫樂巴將洋文原電呈出細譯交還二字語意究作何解有無流弊如尙無他似可速電總署以此抵去一條實於大局有益而甯滬路成矣尊意如謂然請於今日五六點鐘過江面商一切是

否均祈速復

寄北京柯令鴻年 十一月十一日

比使苦心我亦深知實在小票如何寫法中國從不過問頃已將擬改應分之事十三字電請中堂與比使商

定望告知比使總要通融勿再拘執

寄李傅相王夔帥 十一月十一日

比使電稱漢口譯文不符另電股票華文內云此借款除中國國家原有之責外十三字宣卽改爲此借款除中國國家已有 諭旨批准外十五字令柯繙譯往見比使商改頃柯電云見李中堂不允用原有之責十三字比使亦不允用 上諭批准十五字再三婉說比使允改輕云此借款除中國國家應分之事外十三字法文不改請電中堂比使再往求中堂說明後再咨署照會免生枝節等語查歷來借票語多鄭重中國從不問

愚齋存稟

卷二十九 電報六

十一

思補樓藏版

信今比公司因合同稍鬆小票難售故於票上斤斤較量情亦可原前與各國議借路款無不注重國家以鐵路固國家所有也兩總督一督辦豈有三十年長命頃領事持比使來電云功虧一簣今有德事致礙借款非遷就其文萬難安頓銀行意甚著急現與兩帥熟籌限期已促國步愈艱恐比款一散更難議借所擬國家應分之事字樣語雖不通尙不著迹欲另想我輕彼重數字易之難得妥協或卽照辦或另商改惟有求中堂速與比使設法逕定電示後卽行會咨不勝迫切

寄總署直督 十一月十一日

據膠電局員初十稟今午德兵數百並帶大礮數尊已佔據膠州卽派兵把守電局手持槍械威逼專發洋報仍堅不付費勢極危險職固臨刃不懼但與其被德兵拘留專爲德人所用而與中國軍報毫無益處何如將機器移設平度城現在我軍大隊全駐平度藉可通報是否可行立候飛速示遵勳自馬店掛線電稟云膠局不能自立恐仍如青島爲彼所佔應否暫移平度乞示遵

夔帥來電 十一月十一日

比款事已照轉傳相膠局速移平度以通軍報

愚齋存案

卷二十九 電報六

思補樓藏版

寄李傅相翁協揆王夔帥 十一月十二日

英電俄許德取膠德許俄取韓兩不相干又聞德不願他國排解六款必欲照准但不知六款之外膠澳能否收回親王來華聞是經營膠埠而非議款者西人云款宜早定愈拖愈壞如膠失則割裂之勢成矣海鏡在滬時遣德人錫樂巴持鐵路條款來鄂請議蘇杭鎮甯借款造路雖不如比不致如俄法今日鏡海電詢錫議妥否錫乃來言德若踞膠必欲從膠造路至內地以奪津海東海關稅如蓄此陰謀亦非蘇甯借款所能抵塞故答以東案了後方可商議近日情形乞鈞示以備因應

夔帥來電 十一月十二日

頃接合肥文電云眞震電悉國家應分之事與國家原有之事權字樣無甚區別惟比使持示所譯華文下云所有盧漢鐵路及鐵路所生之利均屬擔保是仍要國家擔保以此照會總署斷不能允商令改爲均照合同所訂辦理彼謂應電比銀行候復電再辦望轉杏孫德有久踞膠澳意現議教案六條尙未合拍退兵則無期等因特聞

寄京柯貞賢大令 十一月十二日

文電原有之事權以及不符字眼均已改正甚慰上半

愚齋存案

卷二十九 電報六

思補樓藏版

截因比使電文多不解故擬就領事譯文如欲就比使譯稿應再酌妥其文曰爲借款給發股票事遵查光緒二十三年四月二十四日欽奉 諭旨於光緒二十三年大比國借若干無名股分票款每票價值五百佛郎內填幾號按年起息幾釐每年各六箇月於某月某日給利息並將股票拈出之號均遞年開統歸原本於某年某月某日初次還本按照以前 諭旨總署照會大比國駐京欽差大臣應允與大清國鐵路總局借款將此票酌設出給該款內之分數計一百四十八字照此亦無不可但須鈔呈傳相閱定方可照繕

寄翁協揆 十一月十二日

比款已妥但比欲將票式送署復准以堅銀行之信譯來華文只有數字未諧已電北洋轉商儀相酌安即由三衙會咨目今局勢比若中止他國必多要挾功虧一簣伏乞維持此次爲難總由於不肯擔保以後萬做不到容事如何

寄張樵野司農蔭桓 十一月十二日

德事果如尊料六款之外膠澳能否退還親王似非議款者若候彼來兵費愈大西人密言愈拖愈壞似宜力請早了

愚齋存彙 卷二十九 電報六

五 恩補樓藏版

寄李傅相王夔帥 十一月十三日

北洋轉文電以比使所請盧漢鐵路及鐵路所生之利均屬擔保總署斷不能允商改均照合同所訂辦理彼謂應電比銀行再辦想比行注重在此小票能否出售以此爲斷其法文決不肯改則華文恐難大異頃電柯鴻年與費商或照漢領事譯文用所有盧漢鐵路及鐵路所生之利全行抵押十七字係中堂歌電允照比領事譯呈字樣咨署核准者或照合同第五條所載准以盧漢鐵路及其產業與一切屬於該鐵路之物作保二十二字係合同上字眼卽是照合同所訂辦理如比使

允改乞速定奪德使派人送來鐵路六條一將鐵路應修爲官路二應由國家借款以鐵路作保遞年本利應還五釐二八五六十一年還清三德華與匯豐承辦章程扣頭後來商定四另設鐵路公司盛與德華匯豐合辦五另招中外股分除借息外餘利中外公分六年滿國家借款本利還清卽行交還中國鐵路假使比款因爭論票式決裂不成改借英德債恐必照德使條款方能議成時勢如此之急趕辦尙恐不及若再拘泥過西歷正月三號之期比款卽不成矣宣懷待罪路工卽自請處分另簡賢能亦恐徒延時日迫切電陳乞賜鈞奪

愚齋存彙 卷二十九 電報六

五 恩補樓藏版

寄翁協揆 十一月十三日

傅相以比款票式計較字眼將決裂過臘月十一卽廢約頃復相長電想蒙鈞鑒時事急矣猶在處處拘文牽義可勝浩歎

寄夔帥 十一月十三日

復傅相長電想已轉去德使電鄂緊催成議舍比就德烏乎可然 朝廷往往爲小失大驚虛受實無藥可救師能就近函致常熟數語或可免決裂

寄峴帥 十一月十三日

夔帥電膠案 旨派翁張與海使會議連日晤商將次

就緒章鎮已於初十送出濟南電德兵礮斃哨長一員
勇二十餘名民人二名云

總署來電 十一月十三日

膠局移平度亦難杜德人不打電刻正商條款德
使與提督豈能隔端即提督不情之舉本署須告
德使電阻膠局不宜深移內地即移亦須距膠稍
近仍爲德電遞送電費一層可無慮希飭局員遵
辦

北京比使來電 十一月十三日

貴大臣寄來股票華文昨日接到本大臣面見李

愚齋存彙

卷二十九 電報六

七 思補樓藏版

中堂商定後半頁華文此外有柯鴻年給貴大臣
電報言明股票有幾處小錯處卻容易改正本大
臣一面電知本國此事將及辦妥諒不久此事均
可辦好也

寄總署 十一月十四日

十一已飭平度將膠州青島線仍接通轉報膠局未撤
因德兵持槍到局學生均逃走現又飛飭將線接通則
平度與膠州一樣轉報因德報皆從青島電線打來非
送來也但請囑海使告提督勿派兵恐嚇電局免致逃
散

寄駐京比使 十一月十四日

股票華文已妥柯電來下半頁昨已轉電李中堂請貴
大臣往詢即可照辦並望一面電催銀行速即辦妥勿
再延誤此次貴大臣甚費心也

張樵野司農來電 十一月十四日

膠事愈拖愈壞常熟與鄙見同日內當可商結已
電竹使德王弟之行膠州營局電報張皇東撫欲
蹈前轍不知彼已期以陳言邀譽北洋亦改常度
奈何

夔帥來電 十一月十四日

愚齋存彙

卷二十九 電報六

八 思補樓藏版

元亥電已照轉舍比就德萬無此理姑看今日電
去合肥復電如何倘仍有游移當再爲總署透澈
一言不可專致琴川也

寄總署 十一月十五日

章鎮寒電膠電局爲德兵占據機器全被毀壞局員仍
奉飭回膠接線惟膠城既佔勉強搬回恐專爲彼設我
軍不能打電應請即在平度設局以便軍報云已令暫
設平度仍將膠線接通如德電來亦仍照轉

寄北京柯繙譯鴻年 十一月十五日

上截即與李相商妥兄等便可出京昨法蘭吉接比使

電頭批只肯先付三十五萬鎊乃與訂明欲免存款無息之虧彼此公議按續增合同第四條所載由比行兌款於中國通商銀行之法係照鐵路工程漸大漸匯之法辦理惟第一次匯法於第一批應付之款內提出三十五萬鎊不問鐵路之進境如何又欲免存款或出小息與借款實出重息之虧應由中國總公司同比國人員考究存款能出較大之息之法辦理等語希告比使此係極意通融先付來三十五萬鎊只好不動用以作押當

香帥來電 十一月十六日

愚齋存彙

卷二十九 電報六

左

恩補樓藏版

函悉比票商妥慰甚致陳中丞言湘粵鐵路電稿已錄送其中以鄙意酌改數處明早可入覽倭租界先商總署極妙惟我電穿倭界終恐將來有流弊耳能稍曲向內繞行其後否請與錫海兩洋人熟商之

寄香帥 十一月十七日

諫電及湘電謹悉今日與各工司熟商若讓三百丈鐵路碼頭距通濟門太遠實大喫虧姑候署復再請鈞示東撫張漢帥汝梅來電 十一月十八日

據膠州牧稟稱德人到膠因電局委員逃逸留四

十餘人踞守電局逼令該牧交出委員並向民間搜尋恐滋巨患等語查德人前踞青島電局專發洋報不准收中國報今又欲佔據膠局應如何區處乞酌奪電示為盼

寄李傅相 十一月十九日

比稿已蒙核准昨將全文電由北洋會咨此事始終全仗鼎力乃免決裂聞六條將議妥膠岸能否改為通商口岸如必欲酬其歸遼之功甯予閩粵一島稍免燃眉之禍如瓊島本是法國口中物終非我有也此件師何以不與議俄派專使來確否

愚齋存彙

卷二十九 電報六

干

恩補樓藏版

寄濟南張漢帥 十一月十九日

膠局因德兵到不准發華報學生委員先後退平度設機昨總署電令仍與通電已飭委員回膠將青島線接通照常通報並囑德領事告其提督勿派兵到局滋鬧夏軍門又請設平度報房而無機器只得將萊州報房暫為移設膠澳能否退還乞密示

寄峴帥 十一月十九日

德事如何定議膠澳如不收回俄法亦必動手後事不可問英倭有合保東方商務之說香帥云倭副將兩員日內來鄂面商要事伊兩國欲想藉此佔守長江磯台

等語但望德案早結以免羣雄覬覦
寄總署十一月十九日香帥會電

昨准咨日本索漢口城外德國租界起沿江之地長三百丈作租界查緊靠德租界起沿江迤北長一千丈橫一百五十丈早已定爲漢口鐵路發端之地碼頭隄岸貨倉車站製造各廠學堂局棧一概在內已於五月間出示曉諭派員督同洋工司丈量釘樞繪圖購地專候水涸填土開工歐西通行公法凡鐵路應用地段不論何國民人租住悉應遷讓卽漢口新訂俄法德租界條款亦載明興辦鐵路應用地基照原價讓還不得藉詞

愚齋存彙

卷二十九 電報六

主

恩補樓藏版

不允是已爲租界尙須讓還現查日本係十月初四照會鈞署已在開辦鐵路數月之後自不致膠持前說且漢口至滬口地勢窪下現築石隄二十餘里碼頭駁岸一千丈不惜數十萬資本興造係爲貼近漢口城門以便貨客上落起見若將碼頭移下三百丈全失地勢斷難遷就現飭地方官紳勸議惟有在德界千丈以外緊靠鐵路讓給租界三百丈其地亦必熱鬧但條款內須列兩條一緊靠鐵路江岸該國一年內須自築隄岸以資保障二所給界內軌道穿過之處已爲鐵路購用若干方數應仍歸鐵路總公司管業兩不相礙除已繪圖

咨復外特恐日本堅要德界緊連之地則路工改造大不得了與工師再三密酌或讓出一百丈尙不甚礙法國租界只有九十丈日商在漢較法商更少今援法例並告知鐵路已定實難多讓彼亦不能爭多尙可百丈了事尙可設法抽給此時正在築路必須速卽議定以免工程延擱乞與該使妥商迅賜電示遵照
寄張樵野尙書十一月十九日

奉覃電案可商結膠澳能否歸還若不歸則俄法效尤英倭亦有合保東方商務之說和甫電倭將神尾來見香帥商要事香帥謂洋報屢言英欲佔長江倭將來鄂愚齋存彙

卷二十九 電報六

主

恩補樓藏版

形跡可疑屬轉告六條如不速定歐亞人心搖惑禍恐接踵而起

寄翁協揆十一月十九日

比票式已咨署求核准膠澳如不還必啟效尤割裂在目前不得已甯予閩粵一島以酬歸還之功膠則爲通商口避重就輕似不失爲中策

寄夔帥十一月十九日

南海來電六條當可商結惟云東撫不知彼己以陳言邀譽北洋亦改常度未知所指何事鄙見德國此舉各國生心甯喫他虧必須收回膠澳鈞意然否